

Obe rẹ Ẹsosoṣọ ri Mosis re se nẹ

JENESIS

Emama rẹ akpọ kugbe Ohwo

1 I Nẹ otọ rhe Ọghenẹ vwọ ma odjuvwu vẹ akpọ. 2 Akpọ na da de dia reghe reghe diodi, ebrin da enu rẹ akpọ na duvwu; Erhi rẹ Ọghenẹ kọye re yan vwẹ enu rẹ ame na. 3 Etiyin Ọghenẹ da ta, E gbe jẹn orẹmrẹ dia, orẹmrẹ da ghene dia. 4 Ọghenẹ da mrẹ nẹ orẹmrẹ na yoma; Ọghenẹ da heriẹ orẹmrẹ na nẹ ebrin na. 5 Ọghenẹ de se orẹmrẹ na Uvo, o de rhe se ebrin na Ason. Te ovwọnvwọn te irhiọke da dia ẹdẹ rẹsosoṣọ. 6 Ọghenẹ da tanẹ, Gbe jẹn irharheghe dia uhervie rẹ ame na, rere ọ heriẹ ame na vwo nẹ ame na. 7 Ọghenẹ da ma irharheghe na ọ da heriẹ ame rọ oboto rẹ irharheghe na vwo nẹ ame rọ obenu rẹ irharheghe na. Ọ da ghene dia ọtiọye. 8 Ọghenẹ de se irharheghe na Odjuvwu. Te ovwọnvwọn te irhiọke da dia ẹdẹ rive.

9 Ọghenẹ da ta, Gbe jẹn ame rẹ otọ rẹ odjuvwu na rhi koko oma vwẹ asan ovo, rere e ji otọ oyaya vwẹ oma phia. Ọ da ghene dia ọtiọye. 10 Ọghenẹ ẹ se otọ oyaya na Otọ, ame rọ rha ghwẹ koko asan ovo na o de rhe se Urhie, Ọghenẹ da mrẹ nẹ oyoma. 11 Ọghenẹ da ta, Gbe jẹn otọ na di ẹbe, irhe re mọn kugbe irhe rẹ emamọ rẹ ibi dia evun rayen, durhe doghẹre rọye vwẹ evun rẹ otọ na. Ọ da ghene dia ọtiọye. 12 Otọ na de ghine di ẹbe, irhe re mọn emamọ durhe doghẹre rọye kugbe irhe re mọn emamọ rẹ ibi dia evun rayen, durhe doghẹre rọye. Ọghenẹ da mrẹ nẹ oyoma. 13 Te ovwọnvwọn te irhiọke da dia ẹdẹ rerha.

14 Ọghenẹ da ta, Gbe jẹn orẹmrẹ phia vwẹ evun rẹ irharheghe rẹ odjuvwu na rọ heriẹ uvo nẹ ason, re ayen dia kẹ ọka kugbe ọke vẹ ẹdẹ te ukpe, 15 gbe jẹn ayen dia orẹmrẹ vwẹ evun rẹ irharheghe rẹ odjuvwu na rọ vwẹ orẹmrẹ kẹ akpọ na. Ọ da ghene dia ọtiọye. 16 Ọghenẹ da ma irhukpe ride ive, urhukpe rode na kọye ri sun uvo, urhukpe rẹ otete na kọye ri sun ason; ọ ke je ma isio rhe. 17 Ọghenẹ de phi ayen phiọ irha-

rheghe rẹ odjuvwu na re ọ vwẹ orẹmrẹ kẹ akpọ na, 18 ri sun vwẹ enu rẹ uvo vẹ ason na, kugbe rere e rha heriẹ ebrin vwo nẹ orẹmrẹ. Ọghenẹ da mrẹ nẹ oyoma. 19 Te ovwọnvwọn te irhiọke da dia ẹdẹ rẹne.

20 Ọghenẹ da ta, Gbe jẹn obo ri vwo arhọ ejobi vọn evun rẹ ame na, rere ephran rhan vwẹ enu rẹ akpọ na vwẹ irharheghe re odjuvwu. 21 Etiyin Ọghenẹ da ma eniame ride na, kugbe eranvwe keranvwe ekpokpọre yan re rherhẹ, re vọn evun rẹ ame na, dohwo doka rọye, kugbe ọphran kọphran ro vwo ibekpe dọphran doghẹre rọye. Ọghenẹ da mrẹ nẹ oyoma. 22 Ọghenẹ da nẹ ẹrhovwo kẹ ayen tanẹ, We vwii ri we bun phiọ re wa vọn ame rẹ urhie na, rere ephran rhe bun phiọ vwẹ enu rẹ akpọ na. 23 Te ovwọnvwọn te irhiọke da dia ẹdẹ riyori.

24 Ọghenẹ da ta, Gbe jẹn akpọ na vwẹ eranvwe ekpokpọ vwọ phia, kueranvwe kuoka, uchuru kugbe obo ri kpono kugbe eranvwe deranvwe doka rayen. Ọ da ghene dia ọtiọye. 25 Ọghenẹ da ma eranvwe rẹ akpọ na deranvwe doka rayen kugbe uchuru okoka rọye, kugbe emu kemu ri kpono vwẹ otọ na okoka rọye, Ọghenẹ da mrẹ nẹ oyoma.

26 Etiyin Ọghenẹ da ta, Gbe jẹn avwanre ma ohwo vwẹ oma rẹ avwanre, rọ hohọ avwanre; re ayen vwo ogangan vwẹ enu rẹ erin rẹ urhie, vwẹ enu rẹ ephran ri obenu, vwẹ enu rẹ uchuru, kugbe vwẹ enu rẹ akpọ na vẹ obo ri kpono vwẹ enu rẹ otọ na. 27 Kọye Ọghenẹ da ma ohwo vwẹ oma rọye, oma rẹ Ọghenẹ ọye ọ vwo ma ayen, oshare vẹ aye ọ ma ayen 28 etiyin Ọghenẹ da ta kẹ ayen, We vwii ri we bun phiọ, re wa vọn akpọ na, ru we phio kparobọ, kugbe re we vwo ogangan vwẹ enu rẹ erin rẹ urhie, ephran ri obenu kugbe enu ri kemu kemu rọ yan vwẹ otọ na ejobi. 29 Ọghenẹ da ta, Nighe, me reyo urhe kurhe rọ mọn ubi ejobi rọ enu rẹ otọ na vwọ kẹ wẹ, kugbe urhe kurhe rọ mọn emamọ kọ dia emuọre kẹ owwan. 30 Eranvwe keranvwe rọ otọ na,

ophran kophran rō obenu, emu kemu ri kpono vwę enu rę otō na, emu kemu ro vwo ęnwęn vwę otō na, me vwę ębe ękpokpo na re dia emuore kę ayen. Q da ghene dia ętiyie. 31 Qghęnę da mrę emu kemu rō mare na, nighe, oyowwiri gangan. Te owwōn-vwōn te irhięke da dia ędę resan.

2 I Kene a ma odjvwu vę akpō kugbe obo re vōnrō ejobi wan. 2 Vwę ędę rę ighwrę iruo rę emama rę Qghęnę ruru ejobi de rhi re, o de rovwoman vwę ędę rę ighwrę na vwę enu rę iruo ro ruru. 3 ętiyie Qghęnę de bruphihō ędę rę ighwrę na, q da vwę ęghō kę, fikiridie ędę yena Qghęnę vwo rovwoman vwę enu rę iruo ro ruru vwę emama rōye.

4 Enana keye uvwię rę odjvwu vę akpō vwę ęke ra vwō ma ayen. Vwę ędę rę Qrovwohwo Qghęnę vwō ma akpō vę odjvwu nu, 5 Vwę ęke rę okankōn vuovo je dję vwę aghwa na eye odi vuovo je dję phia-a—kidie Qrovwohwo Qghęnę je rho osio phihō akpō na-a, yę ohwo je dia ro voro otō na-a; 6 ękęvuovo evwru kōye di muę nę otō na kpenu o me rhe kprhō otō na ejobi—7 kōye Qrovwohwo Qghęnę da vwę ekpęn rę otō na vwō ma ohwo, q da węn ęwęn rę arhō na phihō rę otō na vwō ma ohwo, q da węn ęwęn rę arhō na phihō iwęn rōye; ohwo de hirhe ohwo ękpokpo.

Uđu rę Iden

8 Qrovwohwo Qghęnę de voro udju phihō Iden vwę ębere rę ęnre da vacha, kę etiyin o phi ohwo rō mare na phihō. 9 Vwę evun rę otō na kōye Qrovwohwo Qghęnę tare nę urhe kurhe ro yowwiri fęro ji fęrię gba djęrhe, urhe rę arhō na rō ji uhervie rę udju na, kugbe urhe rę erianrięn rę erhuvvu vę umiovwo.

10 Urhie da va phia vwę Iden rere ęrhuo-rhuo udju na, etiyin q da jęn eghōn ęnę. 11 Odę rę ęręsoso Pishon; ęna re dję nene ubrotō ri Havila, ra da mrę oro; 12 oro rę otō na pha yoyovwi; deliom vę oragha rę oniks je otō na rhe. 13 Odę rę urhie rivę ki Gihon; urhie nana re dję wan ubrotō ri Kosh. 14 Odę rę urhie rerha ki Hidikel, rō dję nene oborhe rę Asiria. Urhie rene ki Yufretis.

15 Qrovwohwo Qghęnę da reyō ohwo na o de phio phihō udju rę Iden na rere q sęro rōye. 16 Qrovwohwo Qghęnę de ji urhi kę ohwo na, nę, Wō sa re omamō komamō rę udju na obo ri jen we; 17 ękęvuovo urhe rę erianrięn rę erhuvvu vę umiovwo na wō riqō, kidie ędę re wō rero ku wo ghwu.

18 Qrovwohwo Qghęnę da ta, Oyoma rere qshare ovo vwō dia sogonoo; me ma ęchuko ro fori vwō kę. 19 Kōye vwę evun rę otō na rę Qrovwohwo Qghęnę da ma eranvwę keranvwę rę aghwa na kugbe ophran kophran rę enu na, o da ghwę ayen vwō kę ohwo na sōsa mrę obo ro se ayen; obo re ohwo na se eranvwę keranvwę ekpokpo na, kę odę yena ese. 20 Ohwo na de mu odę kę uchuru ejobi, vwō kę ephran re obenu na, ji te eranvwę rę aghwa na, ękęvuovo vwō kę ękpuyovwi rę ohwo na a gbe mrę ochuko ro fori vwō kę-ę. 21 Kōye Qrovwohwo Qghęnę da vwę ovwerhę rode vwo mu ohwo na, rō vwō vwerhę re q da reyō ubiedada rōye ode ko di; 22 ubiedada rę Qrovwohwo Qghęnę reyore nę oma rę qshare rhe na q da vwō ma aye q da reyō vwō kę qshare na. 23 Etiyin qshare na da ta, Qnana ubeku mę kugbe uvwo rę uvwo mę; ke se nę Aye, fikiridie oma rę Qshare esiro nurhe. 24 Fiki rę ętiyie na qshare vwō yan jęn ošę rōye vę oni rōye vwo kō rhe gbanō aye rōye, aye ke dia oma ovo. 25 Te qshare na vę aye rōye da ban phihō, yę oma vo aye-en.

Eshe rę Ohwo

3 I Asakiephana ęrōdekō kōye me vwo aghwanre nō eranvwę ri chekō vwę aghwa rę Qrovwohwo Qghęnę mare na. Q da ta kę aye na, Q dianę Qghęnę tare nę, Wo re emamō rę irhe rę udju na vuovo-o? 2 Aye na da ta kę ęrōdekō na, Avwanre sa re emamō rę irhe rę udju na; 3 ękęvuovo Qghęnę tare nę, Wa ria emamō rę urhe rō uhervie rę udju na-a, eę wa vwę obō te-e, we de rhe ghwu. 4 ękęvuovo ęrōdekō na da ta kę aye na, We che ghwu-u. 5 Kidie Qghęnę rięne nę ęke wa da rię ęro rę owvan ko rhie, ku wa hōhō Qghęnę, rō rięn erhuvvu vę umiovwo. 6 Rę aye na vwō mrę nę urhe na fęrię, o ki rhe fęro, nę urhe na ki rhe ru ohwo ghwanre, q da reyō omamō rōye q da rię; q da je vwę evo kę qshare rōye q da je re. 7 Kōye ęro rayen ive de rhie, ayen da rięn nę ayen ban phihō; ayen de ko ebe ri fig kugbe vwo ru amwa vwo rhuo oma rayen.

8 Ayen de nyo urhuru rę Qrovwohwo Qghęnę ro yan vwę udju na vwę ęke rę ovwōnvwōn, te qshare na te aye na de si oma nu kę Qrovwohwo Qghęnę vwę uvwre rę irhe rę udju na. 9 ękęvuovo Qrovwohwo Qghęnę de se qshare na, q da ta kę nę, Tivō wō epha vwo? 10 Q da tanę, Mi nyo urhuru węn vwę evun rę udju na, oshō ko mu vwe,

fikiridie me ban phihọ; ki mi si oma me nu. 11 Ọ da ta, Ono ta ke we ne wo ban phihọ? Takpe wo re omamọ re urhe ri mi ji urhi ke we nu wo ria-a na? 12 Ọshare na da ta, Aye ru wo vwọ ke vwe ne o nene uvwe dia, oye vwe emamọ re urhe na ke vwe, me da re. 13 Etiyin Ọrovwohwo Ọghene da ta ke aye na, Ọna ki didi emu wo ruru na? Aye na da ta, Ọrọdekọ re phien vwe, me da re. 14 Ọrovwohwo Ọghene da ta ke ọrọdekọ na, Fiki robo wo vwo ru emu nana, eka ke we vwe ohri re uchuru ejobi, kugbe ohri re eranvwe ejobi; evun wen kọye wo vwo kpono yan, ekpen kọye wo cha re vwe ede re akpo wen ejobi. 15 Ki mi phi eghre phiphọ uvwe wen ve o re aye na, Te uvwe re emọ wen ve ere aye na; ko ghwie we uyovwi, ku wo rhovwo uchukowo. 16 Vwo ke aye na o da ta, Me ke we odjadja buebu vwe oke re ewwie wen, vwe odjadja wo de vwie emọ, eguonọ wen ke obọ re ọshare wen onurhe, ko sun we. 17 Vwo ke Adam o da tanẹ, Fikiridie wo vwọ kerho re aye wen, wo da re emamọ re urhe na re me dje we nu wo ria-a na, eka ko dia ke oto na fiki wen, vwe evun re owian wo ke sa re emu vwe ede re akpo wen ejobi; 18 Idjigbe ve ekpia ke dje ne oto na rhe ke we, ku wo cha re ekankon re aghwa na. 19 Ọdja ko dja opharo wen wo ke cha re emu, besie wo che vwo rhivwi kpo oto ri wo nurhe, ekpen wo ji che hirhe ra.

20 Ọshare na de se ode re aye roye Ivi, fikiridie oye oni re ihwo re akpo na ejobi. 21 Ọrovwohwo Ọghene de ko ewun re ophien ke Adam ve aye roye, o de rhuo ayen.

22 Ọrovwohwo Ọghene da ta, Nighe, ohwo rhoma rhe hoho ovo re avwanre re, ro rien erhuvwu ve umiovwo re; asakiephana, a da fo ke, o cha rien obọ roye rhe o da je rhe reyọ omamọ re urhe re arho na, o da riọ, o da rhe dia bedẹ, 23 fiki re otioye na Ọrovwohwo Ọghene da dje ne evun re udju re Iden na, no gbe re voro oto ra reyerọ nurhe na. 24 Ọ da dje ohwo na ruẹ afe; vwe oborhe re udju re Iden na, o de phi cherobim, o ve onoko re erhanre ro rherie kpenẹ kpenẹ, ro rherie urhe re arho na.

The Bible in Urhobo

© United Bible Societies 1977

UBS-EPF-1977-4M